

OKÉ TAKE AWAY

**NOS SPECIAL
NOV.8
PAG. 9**

746-3571



SOLO
Prijs **1.25**
Di Pueblo
BRIYANDO FUERTE • TRECIENDO CLARIDAD
DIARAZON 8 NOVEMBER 2023

**SINTONISA PREMIO
EXCELENCIA DEN
DEPORTE 2022 DIA
10 DI NOVEMBER,
CUMINSANDO 8 OR DI
ANOCHI A TRAVES DI
CANAL 22**




WWW.SOLODIPUEBLO.COM



SOLODIPUEBLO@GMAIL.COM

OTMAR A PRESENTA DEN CORTE PA REGIE-ZITTING DI FLAMINGO



NELSON ANDRADE A PRESENTA NA CORTE DIAMARS MERDIA PA INTEROGACION DEN CASO DI POLIS VOS



CASO DI PA EXPROPIA 180 MIL DI PAUL CROES A CUMINZA DEN CORTE

PELEA CU HINCAMENTO NA EPB SAN NICOLAS

GASOLIN TA BAHA CU 30 CENT

Minister di Asuntonan Economico, Comunicacion y Desaroyo
Sostenibel ta anuncia e prijsnan di benta pa combustible entrante
8 november 2023.



E prijsnan aki riba menciona ta inclui BBO/BAZV/BAVP

TELEFON CELULAR TA KEDA PROHIBI NA SCOLNAN BASICO DESDE AÑA ESCOLAR NOBO




TELEFON CELULAR TA KEDA PROHIBI NA SCOLNAN BASICO DESDE AÑA ESCOLAR NOBO

Telefonnan celular tambe ta keda prohibi den scolnan basico y den enseñansa spesial for di aña escolar nobo na Hulanda. Tablet y smartwatch tampoco ta permitibel den klas, asina minister di enseñansa saliente, Mariëlle Paul, a bisa di a yega na un acuerdo cu diferente organisacion educativo. Telefonnan celular ta distrae studiantenan for di nan tareanan escolar, loke ta haci nan menos productivo, e minister ta bisa. Segun e, e acuerdo ta duna claridad den klas. “Nos a nota den enseñansa secundario cu

e ta custumbra liher y ta duna tranquilidad tanto na studiantenan como na maestronan.” E scolnan di enseñansa basico y scolnan di enseñansa spesialisada ta agrega asina na e acuerdo cu ya a wordo realisa cu e instituto di enseñansa secundario pa e zomer. For di Januari 2024, studiantenan no por hiba nan telefon mobil mas den klas. Den enseñansa basico y spesial, e acuerdo ta drenta na vigor ora e curso nobo di scol cuminsa. Telefonnan mobil mester wordo usa solamente

si nan ta necesario pa e contenido di e les. E Ministerio di Educacion, Cultura y Ciencia ta skirbi den un komunikado di prensa. Aunke e studiantenan ta depende di dje, por ehempel pa motibo medico of pa motibo di un discapacidad, nan por sigui usa nan telefon. E Minister ta contento cu e studiantenan ta ‘protegi’ “Hopi mucha tin un celular na un edad tempran”, minister Paul ta bisa. P’ese mi ta contento cu awor nos a acudi pa tur scol cu, den principio, telefon mobil no ta permiti mas den klas. Di e forma aki nos ta proteha e



studiantenan, mientras cu ta posibel pa usa un telefon mobil si ta necesario.” Pa scolnan den educacion spesial, ta importante pa hasi acuerdo cla cu personal, mayornan y studiantenan. Ta posibel

cu telefonnan ta necesario mas tanto den klas. Gobierno lo mira despues si e acuerdonan tin e efecto desea of si por ta necesario un prohibicion legal pa bloka telefonnan celular den klas.

PELEA CU HINCAMENTO NA EPB SAN NICOLAS

Diamars merdia a sosode un caso di hincamento na EPB San Nicolas, cu tabata resultado di un pelea entre muchanan di scol.

Polis a presenta mesora na sitio mientras cu e victima

a wordo transporta pa Insam. El'a haya corta na cara y bao brasa. Parce cu e agresor no ta desconosi y den pasado talves tabata tin record policial, pero toch a wordo

permiti di acudi na scol.

E seguridad na EPB mester wordo re inforsa y Gobierno mester studia di ki forma lo por incorpora mas seguridad na scol.



Ministro di Husticia y Asunto Social ta anuncia cu entrante **09 november 2023** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un **instalacion di gas di 1x 100 gallon na Rancho 14**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.

DIRECTIE FINANCIËN Y CENTRALE ACCOUNTATSDIENST TA INFORMA

Directie Financiën y Centrale Accountantsdienst ta informa cu diabierna dia

10 november 2023 nos lo ta cera pa publico henter dia pa motibo di un personeelsbijeerkomst. Nos lo reanuda nos servicjonan normal desde dialuna 13 november 2023.

Masha danki pa e comprension.

Directie Financiën & Centrale Accountantsdienst



NELSON ANDRADE A PRESENTA NA CORTE DIAMARS MERDIA PA INTEROGACION DEN CASO DI POLIS VOS

Diamars merdia Nelson Andrade a bandona su programa di radio pa asina acudi rapidamente na corte unda e tin afpraak cu hues comisario y fiscal. E mester a acudi dialuna, pero esaki a wordo cambia pa diamars. Pa 1.45 su abogado Doris Candwood a yega corte y poco minuut su translate Andrade a yega.

Su interrogacion ta cumin 2.or di atardi pa e caso di polis Vos. Ta trata di un caso unda na forma ilegal Andrade tabata ricibi signal di radio di polis pa

asina por a core bay na sitio pa raporta.

E signal aki no tabata gratis, ya cu mester a paga y cumpra e polis cu placa of algo otro.

Investigacion mester determina kico tabata e acuerdo.

Polis Vos mes ta cera na Kia desde 20 di Maart 2023, ora cu e mainta ey el'a wordo yama pa BIZO y a wordo informa cu e ta keda deteni. Na mes momento nan a drenta su cas y topa cu e centro di comunicacion.



Den pasado, na 2019, ya caba Andrade a haye involvi den mes un caso unda e tempo ey su propio empleado Marko Spinoza a

confesa na polis. Andrade a haya castigo di haci trabao pa comunidad y e no mag ripiti e violacion. Sinembargo parce cu

Andrade no a duna mucho atencion na e sentencia di hues e tempo aya y awor ta para atrobe dilanti mes delito.

OTMAR A PRESENTA DEN CORTE PA REGIE-ZITTING DI FLAMINGO

Dialuna mainta 6 di November tabata e comienso di caso Flamingo. Un total di 6 sospechoso a wordo cita dilanti mesa berde pa cuminza trata e caso pro forma. Un Hues di Hulanda a trata e caso cu tabata un "regie zitting". Den caso pro forma hues y abogadonan ta deliña tur aspecto di e caso, si tur documento tey, si tin testigo pa wordo scucha, etc etc. Abogado pa Otmar Oduber ta mr. Carlo.

SOSPECHOSO GILBERTO TIEL NO A PRESENTA

Den sala di Corte tabata presente un total di 5 sospechoso: Otmar Oduber (51), Eisia Esser, Richinella Wever Croes, Jeandrick Oduber (yiu di Otmar) y Laurence Phillips. E sospechoso Gilberto Tiel no a presenta pero Fiscal a bisa cu ta sigui cu su caso.

Tabatin dos otro persona cu cu a yega na acuerdo cu Ministerio

Publico y no mester a presenta den corte.


ACUSACIONNAN

Fiscal a acusa Otmar Oduber cu entre 2017 y 2020 a duna dos tereno na Malmok cu supuestamente no tabata mag di wordo duna. Esey ta hiba e nomber caso Malmok.

Tambe Fiscal a bisa cu ta acusa Otmar Oduber di trahadornan di Gobierno cu nunca a presenta pa traha pero ta cobra salario. Ta trata aki di Tiel, Phillips y Geerman. Tambe ta acusa Otmar Oduber di a wordo cumpra door di Geerman y Tiel. Fiscal a bisa tambe cu ta acusa Otmar Oduber di a mal usa su funcion como minister door di duna terenonan.

Acusacion contra Esser:

Fiscal a acusa Esser di ta complice di a wordo cumpra entre November 2017 y 2020. E lo a tuma cosnan y tambe e ta wordo acusa di a mal



usa su funcion.

Acusacion contra Richinella: ta wordo acusa di a falsifica documento relaciona cu dunamento tereno na DIP

Acusacion contra Phillips; ta worde acusa cu entre Januari 2018 y Juni 2020, a malversa placanan. Acusacion contra Tiel; ta acus'e di a malversa entre October 2018 y 2020. Tambe cu el a cumpra Otmar door di traha pa Jeandrick. Acusacion contra Jeandrick: ta

wordo acusa di malversacion entre October 2018 y Juni 2020

Esaki ta entre otro den liña grandi e tratamiento di e reggie zitting, unda mas bien tur esnan involvi y nan abogado por a hasi nan peticion of deseonan pa cu e caso. Abogadonan a trece varios peticion y hues lo dicta sentencia diahuebs awor.

E caso cu tur detayes lo wordo trata den simannan nos dilanti.

Minister Endy Croes:

SINTONISA PREMIO EXCELENCIA DEN DEPORTE 2022 DIA 10 DI NOVEMBER, CUMINSANDO 8 OR DI ANOCHI A TRAVES DI CANAL 22

Exito na e 130 nominadonan



E anochi mas grandi den deporte di Aruba ta tuma luga diabierna awo, unda cu ta reconoce e atletanan cu mas a destaca den nan disciplina pa aña 2022. Un total di 130 atleta ta nomina den diferente categoria. Mester remarca cu e aña aki e interes ta hopi grandi, un total di bintinuebe (29) federacion a manda nomber di nan atleta cu mas a sobresali. Pa prome biaha ta introduci e categoria entrenado di aña unda cu lo reconoce bintishete (27) entrenado pa nan contribucion den e desaroyo di deporte di Aruba. Durante e anochi special aki ta rindi homenahe na dies (10) baluarte deportivo cu a dedica gran parti di nan bida na deporte di Aruba. Tambe, shete (7) atleta olimpico lo ricibi un certificado y pin for di World Olympians Association pa nan esfuerzo haci pa promove e balornan olimpico.



E anochi di gala ta tuma luga diabierna, 10 di november den e luhoso Renaissance Convention Center, cuminsando 8'or di anochi. Pueblo di Aruba ta keda cordialmente invita pa sintonisa e anochi mas grandi den deporte di Aruba en bibe a traves di Canal 22 y pagina di Facebook di Gabinete Wever-Croes.



CASO DI PA EXPROPIA 180 MIL DI PAUL CROES A CUMINZA DEN CORTE



E siman aki a cuminza e caso di 'ontnemingszaak' di Paul Croes unda Ministerio Publico kier expropia 180 mil florin for di Paul, cual placa a haye culpabel di dje, como producto di corrupcion.

Den e investigacion, Paul Croes a gasta 180 mil florin mas, di loke el'a cobra na salario y no por a hustifica di unda e placa a bin.

Paul a defende cu el'a gane

na catochi y tabata regalo di bruid. Sinembargo e declaracion di Paul Croes riba e ganancia di catochi no a resulta cu berdad, pasobra ora di interroga e casita di catochi, nan a bisa di no sa mira Paul Croes cumpra catochi eynan. Ademas ora cu gana placa grandi mester acudi na kantoor principal pa cobra.

Den e caso den corte, abogadonan kier trece masha hopi testigo, entre

otro varios persona cu a haci regalo na Paul Croes, durante di su bruid. Nan kier testigua cu nan a dune regalo.

Tur esaki awor huez lo mester dicidi si ta bay permiti testigonan si of no. Apesar di a haya un castigo penal, awor Paul Croes mester entrega bek 180 mil florin, pa cual den futuro cercano e caso lo wordo trata.

Banco di Caribe orguyoso patrocinador: ARUBA DOLPHINS INVITATIONAL SWIMMING COMPETITION UN EXITO ROTUNDO



Despues di un fin di siman excitante na Piscina Olimpico Roly Bisslik na Savaneta, Banco di Caribe ta felicita tur hoben cu a demostra perseverancia y excelencia den natacion. For di diabierna te cu diadomingo a tuma lugar e Aruba Dolphins Invitational Swimming Competition cu Aruba Dolphins a organisa pa di 21 aña. Banco di Caribe tin hopi aña patrocinador di e competencia, y e aña aki no tabata un excepcion.

Aruba Dolphins a wordo funda na aña 1975. E club di natacion ta dedica na yuda promove e deporte di natacion na Aruba y a bin ta haci esaki structuralmente pero mas importante ainda, cu hopi consistencia. Piscina Olimpico Roly Bisslik na

Savaneta tabata escenario pa 109 atleta di Aruba Dolphins cu a participa hunto cu varios otro clubnan representando Aruba, Boneiro, Corsou y St Maarten. Den fin di siman ultimo tabata tin

mas cu 323 participante y nan famia cu a bin hunto. Esaki ta e competencia di natacion di mas grandi na Aruba.

Banco di Caribe ta orguyoso di forma parti di e

competencia internacional aki, ofreciendo e hobennan un plataforma unico! Riba e imagennan por tuma nota di algun ganador hunto cu Sra. Sue-Lan Liao Jen Marketing Officer di Banco di Caribe. Banco di

Caribe ta masha contento di por a patrocina un evento asina importante y lo sigui compromete na deporte local y particularmente nos hobennan. Masha Pabien!

Cambio di Prijs di Combustibel

Minister di Asuntonan Economico, Comunicacion y Desaroyo Sostenibel ta anuncia e prijsnan di benta pa combustibile entrante 8 november 2023.



E prijsnan aki riba menciona ta inclui BBO/BAZV/BAVP

MINISTER ENDY CROES A PRESENCIA FIESTA TIPICO DI BARIO NA CENTRO DI BARIO SAVANETA

Den number di Minister di Cultura Xiomara Maduro, a otorga reconocimiento na dos baluarte pa mantene y promove cultura di Aruba, Sr. Miguel van der Linde y Sr. Frank Croes



Recientemente, Minister di Enseñansa y Deporte Endy Croes a presencia e di seis (6) edicion di Fiesta Tipico di Bario na Centro di Bario Savaneta. E intencion di esaki ta pa den cada evento den bario, duna

reconocimento na esnan cu ta sostene, promove y mantene nos folklore bibo den e barionan. Den number di Minister di Cultura Xiomara Maduro, a reconoce dos baluarte pa nan contribucion

pa mantene y promove nos cultura. E prome persona cu a ricibi un reconocimiento ta Sr. Miguel van der Linde, kende pa mas di 5 decada, a deleita nos cu musica di Paranda di Fin di Aña, Dande y Mariachi. Sr. Miguel van der Linde a nace dia 20 di augustus di aña 1957 na Aruba y ta bini di e bario di Savaneta. Cu 8 aña di edad Sr. Miguel a siña toca cuarta y cu su 9 aña el a cuminsa pasa paranda den cercania di su cas.

Desde e tempo ey te dia di awe, Sr. Miguel ta pasa paranda di Noche Buena y Dande pa asina deleita un y tur riba diferente instrumento of como cantante. Na aña 1970 na momento

cu Sr. Miguel a cumpli 13 aña, el a integra den Mariachi Perla di Aruba y awendia ta e persona cu ta maneha e grupo. E di dos persona kende a ricibi un reconocimiento den e ocasion aki tabata Sr. Frank Croes cu pa di 6 decada a deleita nos cu su talento musical riba sonfonia di boca y pa conserva Aruba su cultura y tradicion musical di antaño. Sr. Frank Croes a nace dia 2 di october 1951.

Desde su 7 aña di edad, Sr. Frank Croes a cuminsa toca sonfonia di boca. Sr. Frank a nace cu un don y a siña maniobra e sonfonia di boca riba su mes. Grupo Tipico Pagasaya, cual Sr. Frank ta dirigi, un di nan carateristicanan ta cu nan ta un di e poco gruponan

na Aruba cu te ainda ta conserva e uzo di sonfonia di boca den nan musica. Sr. Frank y su Tipico Pegasaya ta consi di 9 pa 10 tocado, un grupo musical cu a keda conserva e cultura y tradicion musical di antaño di Aruba, manera Dande, Dera Gay y nos dushi folklore. Minister Endy Croes a gradici Fundacion Union di Tipiconan Rubiano pa e bunita iniciativa pa tene nos cultura di musica tipico bibo. Tambe, a aplaudi tur grupo tipico cu a presenta den e Fiesta Tipico di Bario. “Den number di Gabinete Wever-Croes II, masha pabien na ambos baluarte pa nan bunita trayecto, cu a aporta varios aña den e mundo di musica y na nos cultura”, Minister Endy Croes a expresa.

Minister Endy Croes:

A FIRMA UN ACUERDO FAVORABLE PA NOS STUDIANTENAN DURANTE E 4 LANDENOVERLEG NA DEN HAAG, HULANDA



Recientemente, Minister di Enseñansa y Deporte Endy Croes a biaha pa Hulanda pa asina asisti na e reunionnan di 4 Landenoverleg. Reunionnan di 4 Landenoverleg ta reunionnan entre e 4 Ministernan di Enseñansa di Reino Hulandes, esta Aruba, Curaçao, Sint Maarten y Hulanda. Asina ta prepara agenda di e puntonan di interes comun y ta discuti esakinan riba dicho plataforma y ta firma acuerdonan entre paisnan di Reino Hulandes.

Strategic Education Alliance (SEA) tin un estructura nobo

Strategic Education Alliance (SEA) ta un

estructura cu ta consisti di un manager di programa y un coordinado di Hulanda, mientras tur tres (3) isla tambe tin un representante den e Programma Team y asina ta forma e team di 5 persona cuta trahando hopi duro riba e concepto aki. Tur esaki teniendo na bista pa sirbi e studiantenan den miho forma pa nan por tin exito den nan estudio. Esta Studiesuccess Caribische Studenten. Durante 4 Landenoverleg, E ministernan a bay di acuerdo y a firma un Programmastructuur nobo pa SEA, alabes a establece un comision di conseho y a ancla esakinan den un Onderlinge regeling.

Actividadnan di

Strategic Education Alliance (SEA):

Despues di un bon debate, e ministernan concerni a bay di acuerdo cu continuacion y pa ehecuta tres (3) prioridad di SEA. Uno ta e Koninkrijksbeurs. Manera ta conoci, Hulanda a pone 500 mil Euro disponibel pa e studiantenan por sea stage of bay scol na un di e islanan of pais Hulanda durante su año escolar. Asina haya mas experiencia y conoce otro sistema y por tuma un miho decision dado caso e kier sigui un estudio afo di Aruba. Actualmente nos tin un estudiante di Aruba na Hulanda haciendo uzo di esaki y desde februari 2024 ta calcula entre 20 pa 30 estudiante lo ta haciendo uzo di e sistema aki. Caribbean Academic Foundation Year ta e proyecto conoci di Aruba, esta Academic Foundation Year di Univesidad di Aruba, cual a yega na palabracion cu e otro universidadnan lo “copy paste” esaki como cu den ful Reino Hulandes esaki a cay hopi bon. Manera nan mes ta bisa cu no mester inventa e wiel di nobo. E di tres (3) prioridad ta Arbeidmarktanalyse, cual lo wordo conduci entre e universidadnan di Hulanda y universidadnan di islanan y asina caba di haci e “analyse” lo haci hunto cu departamentonan concerni un estudio mes.



Otro prioridadnan:

Hunto a firma y a bay di acuerdo pa algun prioridadnan adicional manera “aansluiting” di scol secundario riba e actividadnan di SEA. Aki lo concentra riba e rol di decano- y mentornan, pues nan lo ricibi extra training riba e tema aki pa por yuda e studiantenan miho posibel. Tambe a bay di acuerdo pa inventarisa tur MoU cu scolnan internacional. Finalmente, riba nivel di Strategic Education Alliance (SEA) lo percura pa bini cu un “Studentvolgsysteem”, pa asina por sigui tur e studiantenan cu ta bay studia na Hulanda pa mantene e contacto y yuda

nan te unda cu por. Pronto SEA lo bay tin su website cu tur informacion necesario pa nos studiantenan.

Otro logro positivo durante 4 Landenoverleg:

Pues a firma tanto un Onderlinge regeling como un Slotconclusie cu tur e puntonan akiriba ancla den dicho documento. Por mira atras riba un reunion fructifero cu logronan positivo constantemente pa nos studiantenan. Minister di Enseñansa, Cultura y Ciencia di Hulanda Robbert Dijkgraaf, kende a precidi e reunion tabata sumamente satisfecho cu e desicionnan combina cu e logronan.

NA MI KAS




Levendig Uitgever ta encarga cu e produccion di 2 buki pa mucha. Esakinan ta publicacion pa Festival di Buki pa Mucha y na Corsou e 'Siman di Ban Lesa'. E buki pa mucha cu biblioteca na

Corsou ta presenta e aña aki yama 'Na mi kas' (Bij mij thuis). Mescos cu na Aruba, esaki ta un buki pa mucha na 2 idioma den categoria di edad di 4 pa 12 aña. Organizacion di e siman ta den man

di Biblioteka Nashonal Kòrsou. Diferente escritor y contador di cuenta di Corsou a traha riba e publicacion aki: Mercee Doran, Merly Augusta., Alvin Inecia (Tio Ali), Edelmira Koko, Loekie Morales, Jeroen Hoogerwerf (Levendig Uitgever), Ilse Schoobaar-Anthony y Crisen Schorea. Ilustracion ta di Ghislaine Monte y Karino Ariza.

Esaki ta un compilacion di storia tocante e topico 'cerca nos na cas'. Un tema cu ta cerca di cada mucha y ta duna hopi inspiracion. Asina tin hopi expresion di diferente experiencia di cultura di cas y famia.

Jeroen Hoogerwerf, doño



di Levendig Uitgever y autor di buki pa mucha ta na Aruba e siman aki pa

bishita diferente scol pa lesa buki y conta storia y conta algo di su trabou.

Parlamentario Shailiny Tromp-Lee: CIFRANAN DI CBA TA INDICA CU TURISMO TA KEDA E MOTOR DI NOS DESAROYO ECONOMICO POSITIVO Y ACELERA

Dia 6 di november 2023, Banco Central di Aruba (BCA) a publica e "State of the Economy" pa e di dos kwartaal di 2023. E publicacion ta contene un sinopsis y analisis di e desaroyonan economico riba nivel nacional y internacional.

Den nan publicacion nos por tuma nota cu den e di dos kwartaal di 2023, turismo un biaha mas ta e motor principal tras di crecimiento economico. Durante di e cifranan comparti nos por conclui cu den e prome seis lunanan di 2023, mayoria di e indicadornan turistico a realisa un mehoracion compara cu e mesun periodo di 2022.

No solamente e cantidad di bishitantenan a subi. Nos por mira tambe cu e grado di ocupacion

den hotelnan tambe a subi compara cu e mesun periodo den 2022. Loke sigur mas ta resalta ta e hecho cu tarifa pa camber a subi significativamente. Ingreso turistico pa anochi tabata na aña 2019 Afl. 337,1 pa anochi, na aña 2022 Afl. 424,1 pa anochi y pa aña 2023 (te cu awor) Afl. 456,2 pa anochi. No obstante cu e hecho cu hotelnan a subi nan prijsnan drasticamente nos por mira cu e duracion promedio di anochi cu un turista ta keda den hotel a keda practicamente mescos esta di 7,2 a bira 7,1%. compara cu aña pasa. Tur e cifranan aki a conduci cu e entrada turistico a aumenta cu 22,5 % den e prome mita di aña 2023.

E cifranan aki ta hopi alentador y beneficioso pa cu recuperacion di

nos pais. Sigur nos por bisa cu ta keda demostra cu e maneho dirigi na atrae e turista cu ta gasta, ta dunando su fruto. No solamente nos por mira un rendimiento solido di e sector turistico y crecimiento economico pero tambe cu e cuponan di trabou necesario ta keda crea. For di e cifranan nos por mira e cantidad di relacion di empleo registra na SVB a subi, indicando un mehoracion den mercado laboral, consistente. Combina cu e maneho relaciona cu bnos mercado laboral nos por bisa cu poco poco nos ta sigui baha e grado di desempleo na nos pais. Algo sumamente importante y necesario.

No ta mucho tempo pasa Gobierno a publica e resultado di e Labour Force Survey cu a indica cu



desempleo a baha di 6.4% pa 4.3%. Cu otro palabra nos ta riba un bon caminda. Nos pais conoce su retonan, nos famianan conoce nan retonan, pero mi ta convenci cu trahando hunto poco poco nos lo por surpasa tur e retonan cu e pandemia a trece cu ne.

Minister Dangui Oduber

REUNION CU SINDICATONAN PA PRESENTA E “SOCIAAL PLAN”



MENU 8 NOVEMBER

- Bami goreng
- Carni mula di pasco , casupete, olij rasenchi
- Mochi pisca
- Pia di galiña hasa cu sauce
- fillet di grouper (breaded) sauce crioio
- Porkchop
- Balchi pisca

Menu MINIBOX pa solamente 10 florin

- Bami goreng
- Chicken breast
- Balchi pisca

746-3571

– Dialuna Minister di Turismo y Salud Publico sr. Dangui Oduber a reuni cu e representante di e Sindicato di Empleadonan Publico Y Priva di Aruba (SEPPA) y Trahadonan Organiza di Sector Publico (TOPA) pa presenta e “concept social plan” pa asina independisa e unidad di Dienst Warenkeuring en Hygiene (DWH) cu ta actualmente resorta bou di DVG.

Dienst Warenkeuring en Hygiene (DWH) lo wordo independisa pa medio di un sui generis cu ta Aruba Quality & Hospitality Authority (AQHA). E tareanan di DWH lo wordo traspasa na AQHA y e entidad aki lo ta responsabel pa permisonan di vacation rentals, hotels, y tambe procesa e aplicacion di restaurant y barnan pa asina cumpli cu e rekisitonan di higiena y tarifanan di e permiso. Cu esaki lo crea un



“level playing field” y tambe genera entrada pa gobierno.

Segun Minister Dangui Oduber e reunion aki ta importante como cu e ta duna e oportunidad pa e representantenan di sindicato por duna nan aporte. Despues di e presentacion aki, e sindicatonan lo bay reuni cu nan miembronan pa asina bin bek cu nan reaccion. E concepto ta pa e unidad di DWH aki bira un sui generis y lo encarga su mes cu henter e proceso di dunamento di permiso na vacation rentals. E entidad aki lo funciona riba su mes

di un manera mas eficiente y efectivo. E obhetivo ta pa e mantene un nivel di eficiencia, conformidad y asegura e calidad y mas importante pa ta un proceso mas transparente.

E mandatario a duna di conoce cu den e cuatro simannan nos dilanti lo bay duna mas informacion tocante e desaroyo di e “concepto social plan” y ta keda pendiente pa asina ricibi tur comentario y reaccion di e miembronan di e sindicatonan pa asina por sigui oficialisa e proceso y hasi e sui generis aki bira un realidad.

Gradicimento 21st Aruba Dolphins Invitational 2023

Riba dianan 3, 4 y 5 di november 2023 Aruba Dolphins Swimming and Water Polo Club a organisa e campeonato di landamento pa e atletanan local y internacional cu a carga e nomber di 21st Aruba Dolphins Invitational. En total a participa 13 club di natacion cu no menos di 317 landador na e campeonato aki, esta Barracudas Aquatics Club y Delfins Swim Club di Bonaire, Typhoon Swimming Team, Sithoc Swim Club, Curacao Sharks Aquatics, Bulado Swim Club y Orca's Swim club di Curaçao, Carib Swim Team di St.Maarten y Giants Aquatics, Stingray Swimming, Sports 4 U, Barracudas Synchro y Aruba Dolphins di Aruba. Despues di un weekend largo y intenso varios landado a logra di drecha nan tempo personal den diferente estilo y distancia. Tambe a kibra varios meet record.



High Point Trophy a bay pa esnan cu a logra acumula mas hopi punto den nan categoria:

6 & under: **Alexiah Palm** di Aruba Dolphins y **Ian de Windt** di Aruba Dolphins

7 - 8 aña: **Sofia Rikken** di Giants Aruba y **Zjurick Koeiman** di Orca Swim Club Curaçao

9 - 10 aña: **Jayla Stuut** di Aruba Dolphins y **Leandro Santiesteban** di Stingray Swimming

11 - 12 aña: **Gabrielle Johannes Maduro** di Sithoc y **Enrique v/d Hengel** di Aruba Dolphins

13 - 14 aña: **Saphir Thomas** di Carib Swim Team SXM y **Ocean van Loon** di Stingray

15 - 17 aña: **Avi Tromp** di Giants Aquatics Aruba y **Braynlsy Dirksz** di Aruba Dolphins

18 & over: **Alena Samanez** di Aruba Dolphins y **Sylvanio Goedgedrag** di Aruba Dolphins

E ranking final di e equiponan participante a keda como lo siguiente:

1. **Aruba Dolphins Swimming** 2680.50 punto

2. **Stingray Swimming Team** 1585 punto

3. **Giants Aquatics Aruba** 1024 punto

4. **Orca Swim Club Curaçao** 306 punto

5. **Sithoc Swim Club** 250 punto

6. **Carib Swim Team** 201.50 punto

7. **Barracudas Aruba** 143 punto

8. **Bonaire Barracudas** 111.50 punto

9. **Sportsz4U** 62 punto

10. **Bulado Swim Club** 61 punto

11. **Delfins Swimming Club Bonaire** 53 punto

12. **Typhoon Swim Club** 45.50 punto

13. **Curaçao Sharks Aquatics** 18 punto

Directiva di Aruba Dolphins Swimming ta gradicir participante, comision organisador, oficialnan, voluntarionan y nos sponsornan Aruba Airport Authority, Banco di Caribe, BDO, Bon Bini Cargo, Tri-Bike Aruba, RDA, Setaar N.V., Metacorp, WEB Aruba NV, Elmar Aruba, UTLT General Contractor NV, Grant Thornton, Jeg Trading, Hyatt Place Aruba Airport, Andina Ice, PBS, Clear Kayak, Meteoro, Fundacion Lotto pa Deporte, Patrick Sound Entertainment, TBS Brassband, Richelle Beauty Vision y Arulaser.

Pa mas informacion y potret por bishita e pagina di facebook di Aruba Dolphins Swimming.

ORACION DI DIA



Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo boluntad y biba den harmonia cu otro. Amen.

SOLO

SUDOKU MANIA

1					7		9	
	3			2				8
		9	6			5		
		5	3			9		
	1			8				2
6					4			
3							1	
	4							7
		7				3		

"Levi Silvanie's Backyard Bday Bash ta selebrá 10 aña di 'Different'"



WILLEMSTAD, CURAÇAO — Artista Levi Silvanie ta invitá tur fanátiko na Kòrsou pa t'e'i presente na su hasimentu di aña, i tambe na e di 10 aniversario di su promé albùm 'Different'. "Levi Silvanie's Backyard Bday Bash" ta tuma lugá na Mr. Porter Street Cafe

na Nieuwestraat, Willemsstad, Curaçao, dia 11 di November 2023, i ta kuminsá for di 19:00 or' te ku 1:00 or' AM. Levi Silvanie, hopi konosidun e mundu di músika di Kòrsou, no solamente ta marka un aña mas di su bida, pero tambe ta selebrá e remarkabel 10 aniversario di su promé

albùm, 'Different.' E albùm akí tin un lugá spesial den kurason di su fanátikonan, inkluyendo éksitonan manera 'Djis Mi Mes,' 'Ami Ta (Kòrsou),' i 'Pret Di Paden.' E músika di Levi a resoná serka e hende no solamente di nos islanan pero tambe internashonal. E evento aki ta prometé un testigu di su influencia duradero.

Loke ta distinguí "Levi Silvanie's Backyard Bday Bash" entre otro ta e konsepto inovativo - transformando e teras na Mr. Porter hasi'é Levi su kura di kas. Hinter Kòrsou ta invitá pa un anochi memorabel tambe inkluyendo Randal Corsen i Zoinx, ku a kompartí un kaminda kreativo ku Levi pa mas ku un dékada. Nan prestashon kolektivo no ta nada ménos ku impresionante i nan lo trese atrobe nan sinergia mágiko riba steig. Tambe e inklushon di Tera Kòrá, un DJ Kurasoleño tokando riba e senanan mas grandi mundialmente. E lo kaba e anochi ku un sèt DJ enérgiko, den estilo.

E evento akí no solamente ta un selebrashon di músika, pero tambe un gratitud di kurason na e komunidat ku a sostené Levi Silvanie durante su kaminda. Den e espíritu di gratitud, entrada na e evento lo ta grátis. Ademas, bo ta bon biní pa trese bo amigunan i famianan. Úniko kos ku nos ta pidi ta pa bo registrá pa sigurá ku tin suficiente espasio pa tur hende. Uni bo mes ku nos na Mr. Porter Street Cafe dia 11 di November 2023, for di 19:00 or' te 1:00



or' AM, mientras nos ta bin huntu pa onrá un dékada di e herensia musikal inkreíbel di Levi Silvanie. E ta primintí un anochi di bon músika i bon rekuerto. No pèrdè "Levi Silvanie's Backyard Bday Bash." Registrá awe mes i forma parti di un selebrashon musikal manera niun otro. Pa registrá pa e evento i pa mas informashon, bishitá [https://www.](https://www.eventbrite.co.uk/)

[eventbrite.co.uk/](https://www.eventbrite.co.uk/)



SETAR: Fiber a yega San Nicolas!



SETAR ta orguyoso di anuncia cu su proyecto di Fiber a yega e distrito di San Nicolas. Dialuna mainta e team di SETAR a pasa bishita e prome tres clientenan cu a wordo conecta riba Fiber na Zee-wijk cu e slogan: "Fiber is here!".

Un proyecto a cuminsa cu e prome instalacionnan

di Fiber den e distrito di Noord, despues a sigui pa e distrito di Savaneta y awo a yega na turno e distrito di San Nicolas.

SETAR su meta ta pa traspasa tur cliente existente cu servicio di SETAR pa Fiber y IPTV p'asina por brinda nos clientenan un experiencia moderno cu speednan cu por yega

1 Gigabit y un conexion stabil y confiabel sea na cas of negoshi. Despues di finalisa e distrito di Savaneta pa San Nicolas, e team di SETAR lo sigui den Noord, Oranjestad y Santa Cruz.

Pa SETAR como un compania innovativo semper ta importante pa ofrece lo ultimo den tecnologia



y sigui inverti den un infraestructura nobo y moderno pa nos isla. Asina aki SETAR, como nos compania nacional di telecomu-

nicacion, ta demostra su compromiso cu nos isla y ta sigui traha pa hiba nos isla na e siguiente nivel cu Fiber.

Scol di Arte di UNOCA na San Nicolas ta ofrece comunidad diferente actividad, tayer y curso

Semanalmente tin diferente tayer/les cu mucha, hoben, adulto por sigui. Hunto cu organisaciony docentenan ta prepara un programa varia, pa asina por ofrece algo nobo caba biaha.

Tur siman tin lesnan/tayernan di baile (ballet, streetdance, dansa y soca), musica (cuarta, steelpan, saxofoon), meditacion/yoga, pilates y pintamento. Fin di aña lo tin un actividad pa familiar, conocir y publico completo pa bin disfruta di tur loke e participantenan a siña na Scol di Arte.

Den 2023 tin algun proyecto cu a cuminsa nobo. "Ban Crea" cu a

cuminsa na september ultimo.

E ta tuma luga tur dialuna y diabierna. Muchanan di 4 pa 12 aña ta crea arte cu diferente material y uzando diferente tecnica. Pa adulto mayor tin e proyecto "Excursion di Arte" cu a cuminsa den october ultimo. E ta un bes pa luna. Un bes pa luna ta bishita un luga, organizacion of un artista local cu tin di haber cu cultura. Di e manera aki e adulto ta amplia su conocimiento artistico como tambe conoce hende nobo y kisas yega na un hobby nobo.

Scol di Arte ta colabora tambe cu diferente organ-

izacion, por ehempel Atelier '89 cu ta ofrece e proyecto "Arte den Bario" pa mucha y adulto. Artista(nan) local tambe ta haya oportunidad pa tene un exposicion, pa asina exhibi nan arte pa publico di Aruba.

Riba fechanan importante manera dia di Himno y Bandera, dia di Rey y dia di San Juan, Scol di Arte ta organisa actividad of exposicion, pa asina stimula atencion pa yuda mantene Aruba su cultura bibo.

Scol di Arte ta habri di dialuna pa diabierna. Pa informacion ta bonbini na Scol di Arte. Tambe por yama na 584-9168 of



por whatsapp na 5624670. "Like" y sigui nos riba Facebook "Scol di Arte" como tambe nos In-

stagram "SDIARTESN" pa keda informa di tur les, proyecto y actividad cu Scol di Arte tin

Parlamentario Shailiny Tromp-Lee: Het is niet meer zo stil aan de overkant!

E proceso di refinanciamiento di nos debe di COVID hayando un tiki mas atencion di Parlamentarionan hulandes



Ta un hecho cu ainda Aruba ta den negosacion cu Hulanda. No obstante e hecho cu Aruba tin masha tiki espacio pa negosha, Gobierno di Aruba ta keda sinta na mesa pa saca un miho deal pa nos pais.

Mas y mas nos ta cuminsa scucha zonidonan di sosten for di Parlamen-

tarionan hulandes y por a tuma nota cu cierto presion ta keda poni riba nan gobierno pa loke ta trata refinanciamiento di e debe di COVID. Nos tur por corda e video di Profesor Nicolaï, miembro di Eerste kamer, cu a circula rond algun siman atras. Argumentonan uza den e video aki ta subraya loke

como Parlamentario, mi persona a bin ta indicando desde un principio y sigur a uza tur oportunidad pa accentua esakinan na reunionnan di IPKO.

Den su video Profesor Nicolaï a enfatisa cu e trato cu Hulanda a duna Aruba pa e prestamo di COVIS ta uno discriminatorio y humiyante. Peter Nicolaï ta un hurista y pa hopi aña a traha como hoogleraar bestuursrecht. E sa kico e ta papia y no tin miedo pa vocifera y sostiene Aruba den su lucha pa un trato husto y mihor condicionnan di refinanciamiento.

Siman pasa durante un reunion den Eerste Kamer caminda a trata e tema di refinanciamiento di e debe di Covid pa Aruba (como parti di presupuesto supletorio di Koninkrijksrelaties), nos por a scucha Parlamentario Crone (Groenlinks/PvdA) para pa un trato mas husto pa Aruba. Su persona a indica claramente cu Hulanda ta bay gana placa cu e refinanciamiento aki: “.....Nederland gaat verdienen op leningen aan Aruba!”. Alabes e la indica cu e no ta haya corecto pa confronta Aruba cu un knevelrente: “.....we moeten Aruba toch niet confronteren met een knevelrente”.

Ta bon pa pueblo sa kico e palabra knevelrente kiermen. Knevel ta nifica: een prop, doek of stuk plakband waarmee iemand het spreken belet wordt. Cu otro palabra ‘take it or leave it! This is it!’ Cu un palabra e la splica con en-

berdad, como un Arubiano, nos mester mira e interes di 6,9%. E la subraya e proceso. Mirando cu nos no kier acepta nan condicionnan (algun sin base), Hulanda ta bisa tuma e interes ridiculamente halto aki y cera bo boca.

Durante e mesun reunion nos por a scucha Parlamentario Hartog (Volt) indica cu e ta haya desapuntante cu den Reino tin paisnan cu mester bay paga interes conforme mercado y adicionalmente un risicoopslag. E ta asta indica cu mester tin otro maneranan pa atende cu e parti di supervision y administracion financiero. E tabata hopi critico puntrando asta kico Hulanda ta bay haci cu e ganashi cu nan ta bay haci cu e refinanciamiento aki di Aruba. E la enfatisa cu e ta haya cu

Hulanda a dal un stap den e direccion incorrecto ora e la pone e condicionnan pa cu e refinanciamiento di e debe di COVID.

E desaroyonan aki sigur ta indica cu nunca ta laat! Poco poco nos ta ripara cu nos mensahe, grito pa trato husto y igual, nos urgimento pa yudansa a base berdadero di art. 36 di Statuto, nos critica cu Hulanda kier haci negoshi cu e debe di pandemia riba lomba di nos pueblo ta hayando oido y ta pone algun politico cu enberdad tin Aruba na pecho vocifera nan opinion.

Lo ta bon pa nos hendenan biba aya na Hulanda habri orea scucha y tene na cuenta cua ta e politico y partidonan cu enberdad tin nos islanan na pecho. Un djis ta eleccion!

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 07 Nov 2023 Merdia		
CATOCCHI Sorteo # 4087 9326 4666 9581 MULTI-X FP BIG 4 Sorteo # 4087 6858 DFF Sorteo # 2143 0701 ZODIAC Sorteo # 4087 1618 Capricornio LUCKY 3 Sorteo # 961 404 MULTI-X X2	LOTTO 5 Sorteo # 0 x Jackpot 0 x Match 4+ 0 x match 4 0 x Afl. 12,00 1.700.000,- LOTTO DIA Sorteo # 0 x Jackpot 0 x Match 4 0 x Afl 8,00 56.000,- MEGA Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00 425.000,- MEGA REUS Afl. 575.000,- KORSOU Sorteo # 	

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 06 Nov 2023 Anochi		
CATOCCHI Sorteo # 8089 5411 3308 4147 MULTI-X FP BIG 4 Sorteo # 7133 4283 DFF Sorteo # 1838 9468 ZODIAC Sorteo # 5892 8625 Virgo LUCKY 3 Sorteo # 822 871 MULTI-X X2	LOTTO 5 Sorteo # 0 x Jackpot 0 x Match 4+ 0 x match 4 0 x Afl. 12,00 1.700.000,- LOTTO DIA Sorteo # 6292 0 x Jackpot 3 x Match 4 135 x Afl 8,00 54.000,- MEGA Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00 425.000,- MEGA REUS Afl. 575.000,- KORSOU Sorteo # 	

RE-ENCUENTRO EMAN Y BALKENENDE PA METANAN NOBO PA ARUBA



E sinergia tabata di inmediato manera tempo cu dos colega Premier a topa otro pa reflecciona hunto riba temanan importante pa comunidad. Asina por a sinti e energia positivo di e re-encuentro awe entre Eman y Balkenende den e headquarters di Ernst & Young na Rotterdam.

RE-ENCUENTRO RIBA TEMANAN NOBO

Jan Peter Balkenende a duna hopi sosten na Mike Eman y Aruba den e anjan cu e tabata Minister President di Hulanda y tambe despues den e realizacion di e vision di Gabinete Mike Eman pa haci Aruba un cede di establecimiento di companian Hulandes manera TNO, Scheepvaartschool Rotterdam, Port Amsterdam, Rietveld academie y mas. Tambe e actual Minister di Estado, Jan Peter Balkenende a duna hopi apoyo na e vision Green cu Eman tabata empuhando pa Aruba.

Jan Peter Balkenende a expresa awe cu ta cu hopi placer a ta ricibi lider di fraccion di AVP mr. Mike Eman pa asina sostene combersacion ariba temanan nobo importante pa Aruba. Jan Peter Balkenende ta remarca “cu hopi satisfacion mi

ta reuni cu mi amigo, y ta balora e contacto cu Mike Eman”. Jan Peter Balkenende a keda contento pa scucha e proposicion di lider di Fraccion di AVP pa instui un Sociaal-Economisch Cultureel Plan Bureau pa Aruba. Jan Peter Balkenende ta di opinion cu e idea aki ta hopi bon pa Aruba y cu Hulanda tin hopi bon experiencia cu un institucion manera SCP. E ta importante pa monitoria e desarrollo social-economico di nos Pais y Comunidad. Jan Peter Balkenende a indica cu un Sociaal-Economisch Cultureel Plan Bureau ta duna un bista den e desarrollo social, financiero y economico di nos comunidad y di nos hendenan.

CONVERTI DEBE DEN FONDO DI INVERSION

Jan Peter Balkenende a combersa tambe cu mr. Mike Eman ariba un alternativa pa e disputa tocante e pago di e debenan hasi cu Hulanda durante e temporada di Pandemia.

Mr. Mike Eman a presenta na Hulanda un alternativa pa e pagonan cu Aruba lo efectua pa esakinan wordo aloca den un fondo di inversion pa Aruba, cu lo wordo maneha independientemente pa asina inverti den desarrollo positivo di Aruba. Jan Peter Balkenende a remarca cu e pensamiento nan di mr. Mike Eman ta “een nieuw en creatief manier om na te denken over financieel vraagstukken”. Asina e lider di oposicion ta creando conocimiento y empuhando sosten pa e concepto aki den tur cuadranan di decision y influencia na Den Haag. Un Fondo di Inversion asina lo garantiza inversionnan necesario na Aruba pa hopi anja.

AMISTAD CREA A BASE DI VISION COMPARTI

Mr. Mike Eman mes ta mira Jan Peter Balkenende como amigo y inspirador pa e temanan cu Eman ta considera importante. “Tempo cu mi a sinja conoce Jan Peter Balkenende inicialmente mi tabata den oposicion y e tabata Promer Minister, pero nos a topa otro riba un vision comparti, nos ideologia social-cristian. Den esaki e rol di comunitarismo, den crea sociedadnan mas uni y solidario ta esencial. E guia ta e bon comun cu nos tur mester enfoca riba dje y basa riba e forza di stimacion di prohimo, Eman ta accentua.



Balkenende tambe ta mira e ideologia comparti como e base di e amistad duradero cu e tin cu Eman y e ta agrega: “Hij is overal Welkom, men mag Mike Eman wij zien ook dat hij

heel veel toeleeft bij politici in Nederland, Hij is zeer actief heeft veel afspraken en het manier waarop hij wordt ontvangen, zegt heel veel over het gezag van Mike Eman”.



PRONOSTICO DI TEMPO

TEMPO VALIDO TE DIARANSON 08 DI NOVEMBER 2023, 18:00 ORA

TEMPO:

AWE TARDI Y AWE NOCHI: PARCIALMENTE NUBLA CU UN AWACERO PASAJERO DEN MARDUGA Y MAYAN: VARIABLEMENTE NUBLA CU CHANCE PA ALGUN AWACERO BREVE

TEMPERATURA MAXIMO 31 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 32 PA 42 GRADO CELSIUS
UV INDEX: 9

BAHADA DI SOLO : 6:12 PM
SUBIDA DI SOLO : 6:35 AM.

POTENCIAL DI AWACERO PA PROXIMO 24 ORA: 3 TE 7 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO BREVE.
BIENTO LO TA FOR DI DIRECCION GENERALMENTE OOST Y MODERA TE BASTA FUERTE, POSIBLEMENTE FUERTE DEN RAFAGA; TEMPERATURA (GRADO CELSIUS)
MAX / MIN LO TA: 32 / 27

STICHTING BLOEDBANK ARUBA

BO SANGER TA SALBA BIDA!

☎ 587 0002
📍 StichtingBloedbankAruba

Registra pa bira donante na www.bloedbankaruba.aw

MINISTER ARENDS TA SUBRAYA E IMPORTANCIA DI INTEGRIDAD PERSONAL Y E IMPACTO Ariba E SISTEMA COLECTIVO DEN NOS SOCIEDAD



Contrario na e pensamiento cu por tin, integridad no ta un virtud solamente reserva pa Gobierno of structuranan administrativo. Integridad ta extende su influencia riba cada hende individualmente, mehorando nan bida y contribuyendo na e nivel di integridad di un sociedad. Minister Arends ta enfatisa cu e forsa di cual-

kier sociedad ta depende ariba e accionan di su hendenan.

Un corelacion crucial cu e Minister ta adresa ta e relacion entre integridad y corrupcion. Den discursonan publico, hopi biha ta papia di corrupcion politico, unda ta reduci e confiansa den e aparato gubernamental y politica

na Aruba en general. Minister Arends ta boga pa reenforza e medidanan anti-corruptivo na tur nivel pa restaura confiansa den Aruba su institucionan.

Un di e ehempelnan unda mester reenforza medidanan ta e uzo prevalente di contratonan DVO/OVO pa entidadnan di Gobierno pa haci acuerdo pa pagonan regular como compensacion pa servicio y trabou. E contratonan aki, originalmente a wordo diseña pa adkeri servicionan specifico den termino defini. E contratonan aki den transcurso di tempo a bira manera un substitucion di un acuerdo di empleo riba termino cortico y mediano. E diferencia entre un DVO y contract di trabou ta cu DVO no tin elementonan contratual manera trabounan defini, maneho di recursonan, termino di trabou of criterionan pa evaluacion di

prestacion.

Debi na ausencia di mecanismo di control y criterionan obhetivo pa evalua contenido, calidad y otro factornan, autoridadnan di Gobierno no por midi efectivamente e prestacion di e proveedo di servicio, pone nan responsabel ni exige cumplimiento. Esaki ta crea un obligacion unilateral for di parti di Gobierno cu ta rekeri asignacion di fondonan publico sin consideracion ariba e calidad di contribucionnan.

Pa segura e uzo responsabel di fondonan publico, Minister Arends a presenta richtlijnen pa regula y preveni mal uzo di e tipo di contratonan aki. E 'Richtlijnen voor het aangaan van overeenkomsten van opdracht' a wordo aproba den ministerraad desde 4 di november 2022 y ta valido pa tur ministerio. Minister Arends a pone

nan ter inzage den Parlamento durante tratamiento di Presupuesto 2023 na November aña pasa.

Ora ta trata di un contrato corruptivo tin dos partido involvi, e dunado di contrato y e tumado di contrato. Pues ta subraya cu defacto integridad ta un responsabilidad tanto colectivo como individual, na unda no tin ley of regulacion, cada persona tin e responsabilidad pa consulta cu su mesun compas moral y dicidi si loke e ta haciendo ta algo corecto, integro of no.

Pa resumi, Ministerio di Integridad ta comprometi pa promove integridad den e aparato gubernamental y su influencia directo riba e sistema colectivo. Pa aborda e relacion entre integridad y corrupcion, Ministerio ta tuma como meta pa mehora e nivel di integridad den nos comunidad y proteha recursonan publico.

Awe abo por gana 1 miyon 700 mil florin cu Lotto 5 Sorteo ta awe nochi

ORANJESTAD, Aruba – 8 di november, 2023: Di asabra ultimo Lotto 5 no a conoce ningun ganado cu ta pone e jackpot sigui crece y pa awe diaranson e suma bira 1 miyon 700 mil florin! Lotto 5 ta costa solamente 4 florin pa ticket y bo por combina bo 5 numbernan for di 01 te cu 35, si bo no sa cua numbernan pa kies, bo ta puntra bo rebendedor pa un loco y asina bo ta den wega pa bira e siguiente miyonario

y gana e jackpot di 1 miyon 700 mil florin cu Lotto 5. Corda busca bo Lotto 5 trempan, pa asina bo no keda afo di e sorteo miyonario di awe nochi cu Lotto. Tambe Lotto ta ofrece bo e opcion pa por compra bo weganan di Lotto Online, kiermen si bo no tin chens pa sali compra bo weganan preferi di Lotto, bo por cumpre for di bo smart phone, tablet of bo computer! Si ainda bo no tin un cuen-

ta di Lotto Online, bishita www.lottoaruba.com, traha bo cuenta di hungado y asina cu bo wordo aproba, bo por cuminsa hunga Lotto online tambe!

Sorteo di Lotto 5 ta hunga awe diaranson pa 7.45PM y por compra bo ticket na bo rebendedor favorito te cu 7.30PM.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X,



Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: www.lottoaruba.com pa por registra. Cumprando

Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



Prome Minister Evelyn Wever-Croes:

Sra Joselin Croes lo bira directora nobo di Arubahuis

CU UN DIRECTOR NOBO, AWOR ARUBAHUIS POR CONCENTRA RIBA E 5 PILARNAN CU NAN A STIPULA PA NAN MES



ORANJESTAD - Durante conferencia di prensa di Gobierno, Prome Minister Evelyn Wever-Croes a anuncia cu Arubahuis lo tin su directora nobo pa comienso di December 2023, cu lo ta sra Joselin Croes. Manera ta conoci, Arubahuis ta representacion di Aruba na Hulanda y Europa, y pesey ta importante pa tin un Arubahuis stabiel. Cu e nombracion di sra Croes, awor Arubahuis lo por concentra riba e 5 pilarnan cu nan a stipula pa nan mes. Prome Minister a indica cu ta importante pa logra fortifica e 5 pilarnan aki, pa asina Aruba ta

mas visibel, y alabes crea mas oportunidad pa nos hendenan.

E prome pilar ta enfoca riba e prioridad cu nos hendenan. Esaki ta conta pa tur Arubiano cu ta bay Hulanda pa biba of studia, of cu ta eynan pa motibo medico. E di dos pilar ta e tarea den Gobierno di Re-

ino, paso Aruba tin un rol akinan, y Arubahuis como nos representante lo yuda den esaki.

E di tres pilar ta e tarea den Union Europeo, paso akinan tambe Aruba tin un rol pa hunga y Arubahuis lo yuda akinan tambe. E di 4 pilar, ta e cooperacion cu institutonan Hulandes, Aki ta referi na Gemeente



di provincianan, otro institutonan manera hogescholen y universidadnan di e sector comercial, tur diferente instituto cu mas cooperacion, paso esaki lo trece cune mas oportunidad pa Aruba y nos hendenan. Por ultimo, cu ta e di 5 pilar, ta cooperacion cu embahadanan paso con cu bay bin Arubahuis ta nos representacion na Hulanda y Europa, y e cooperacion cu embahadanan ta importante.

December caba, tin un director nobo, y un candidato nobo pa bira Minister Plenipotenciario na Washington. Unabes cu Aruba tin su representacion na Washington, e lo por remplaza sra Croes, pa asina e por cuminsa funcion an Hulanda como directora di Arubahuis. Manera cu nos haya e ultimo indicacion di Hulanda, nos lo anuncia tambe, ken ta bra e candidato nobo pa Minister Plenipotenciario na Washington" Prome Minister a expresa.

"Cu esaki, ohala cu na

